

MME NTIÑ-NNIM-IKQ BALAAM YE

IDIQK ITEM

Numbers 23:1-30; 24:1-25; 31:8, 16; 2 Peter 2:12-17

QYQHQ UKPEP-ÑKPO 111

Eke Ikpọ Owo

IKQ IBUOT: "Nyenyuñ ndiñ mmọ eke edidiñde fi, nnyuñ nsuñi mmọ eke edidiokde ye afo: ndien oto fi kpukpru oruk ererimbot eyekut mfọn' (Genesis 12:3).

I Ewa Uwa enyuñ Etiñ Ebaña Ini Iso

1. Balaam ọdọhọ Balak anam itie uwa itiaba onyuñ onim mme enañ ye mme okukim man ekpenam mme uwa, Numbers 23:1, 2
2. Balaam aka ndibup Jehovah onyuñ ọnyọñ ye ibọrọ, "Ami ndisuñi didie se Abasi misuñike?", Numbers 23:3-8; Isaiah 47:12, 13
3. Balaam etiñ ete ke Israel ediduñ ikpọñ idinyuñ ibatke mmọ isin ke otu mme idut, Numbers 23:9, 10; Deuteronomy 33:28; Exodus 33:16; Ñwed Mbon Ephesus 2:14
4. Balak etiñ owut nte ke Balaam ọdiọñ Israel ofuri-ofuri, ke ini imọ ikokotde enye edisuñi mmọ, Numbers 23:11
5. Mmọ eka ke enyọñ obot Pisgah enyuñ ebọp mme itie uwa enyuñ ewa mme uwa, ndien Balaam afiak aka ndibup nto Abasi, Numbers 23:12-18
6. Ibọrọ Balaam, "Abasi idige owo eke enye ekposude nsu"; "Ewuk mi ete ndọdiọñ. . . ndien ami ñkwe nte ñkabarede enye", Numbers 23:19, 20
7. Jehovah isehe idiok ke Jacob, mkpo edidem onyuñ odu ke otu mmọ; eyenyuñ etiñ ebaña mmọ ete "Se Abasi anamde!" Numbers 23: 21-24; Ñwed Mbon Rome 4:7, 8

II Mme Ntiñ-Nnim-Ikọ Efen Ke Abaña Israel

8. Ke Balaam okutde nte Jehovah amade ndidiọñ Israel, enye owuk iso esie ese akwa akai ikọt onyuñ okut Israel, ndien spirit Abasi oduk enye ke idem, Numbers 24:1-4
9. Enye emen uyo ete "Ho, sese, nte mme ataya fo eyede, O Jacob! Ye iduñ fo, O Israel!", Numbers 24:5
10. Mmọ enyanare ena nte ndiye iñwañ ke ebedeñ, ke mben inyañ, nte eto aloe eke Jehovah ọtode, Numbers 24:6; Psalm 104:16
11. Edidem esie eyenyuñ oforo akan Agag, enye eyenyuñ adia mme idut, mme asua esie. Emi anam esit ayat Balak enye onyuñ ọdọhọ Balaam ete efehe ọnyọñ ebiet esie, Numbers 24:7-11
12. Balaam etiñ ke ñke "Ñkut enye, edi idige ke emi: nsese enye, edi ikpereke: ntantafiọñ asaña oto ke Jacob, esañ onyuñ adaha ke enyọñ ke Israel." Ñko "(Ọbọñ emi otode) ke Jacob eyeda ubọñ", Numbers 24:12-19; Eriyarare 1:7; 22:16; Matthew 2:2; Genesis 49:10
13. Enye etiñ abaña edisobo nsio-nsio idut onyuñ ọdọhọ ete "Ho! Anie edidu uwem ke ini Abasi edinamde ntem?", Numbers 24:20-25

III Idiok Item

14. Oto ke idiok item Balaam, nditọ Midian etap ediwak owo ke Israel enam idiok, Numbers 31:16; Eriyarare 2:14
15. Israel eñwana ekọñ ye Midian. Ewot mbọñ ition, enyuñ ewot Balaam ñko, Numbers 31:8
16. Peter etiñ abaña nditọ eke esuñide, emi minamke mmọ ndik "ndisuñi mme akama-itie ubọñ", "enyin mmọ eyọhọ ye efibe." Mmọ kpukpru eyetak eyenyuñ ebọ idiok ke utip idiok edinam mmọ, 2 Peter 2:10-14
17. Mmọ ema ekpọñ edinen usuñ ediyọ ebine afañ Balaam, 2 Peter 2:15, 16.

SE EKPEPDE EBAÑA

Mkpe Mbiere

Balak ama ekpe ebere ete Balaam enyene ndisuñi Israel. Nnyin imokut ite ke mme asua Ọbọñ iduokke odudu ke ini ekande mmọ ini kiet. Satan edi ata idiok asua. Ke ini enye okodomode Jesus ke akwa akai ikọt, Satan ikekemeke ndinam Jesus osuk ibuot ọnọ biọñ emi ọkọdọñde enye ke ndinam mme itiat ekabare edi uyo, edi enye ikọduokke odudu. Enye afiak ada enye aka okodori ke edikoñ ebiet Itie-ukpono Abasi. Oro ñko okpu. Ekem enye emen enye aka ke ata edikoñ obot onyuñ ada ata ñkari usuñ eridomo esie owut Enye kpukpru mme obio ererimbot, onyuñ ọñwọñ

ete iyenọ Jesus mmọ edieke Enye edisuk ọduode ke isọn atuak ibuo ọnọ imọ. Nso utọ utibe Andinyaña ke nnyin inyene! Odudu hell ndomo kiet ikemeke ndisio Enye ke usuñ Abasi. Ikpikpu ediwo ọtọ ererimbot, inyene, idaha ye ukpono, enye ama ọkpono kpukpru onim nkañ kiet. Nkukure uo ọn Esie ekedi ndinam uduak Ete Esie.

Balak ama ada Balaam oto ke enyoñ obot kiet aka ke obot efen, onyuñ awa mme uwa ke mme ini emi. Ke unana edifiok Abasi nte Balaam ọkofiokde, enye (Balak) ama enyene idorenyin ete ke ekeme ndikpek Abasi ọkpohode ekikere Esie onyuñ osuñ idut emi Enye ekebemde iso ebire ndidiñ. Ke akpatre, ke mme edinam Balak ema ekekpu, enye ama ọdohọ Balaam efehe onyoñ ke ebiet esie, koro Balak akaduakde ndimenere enye nnim ke itie ukpono, `Ndien, sese, Jehovah iyakke fi okut ukpono." Ata eyen Abasi oyom Abasi enem esit ke uwem esie akan ndibọ ukpono ekededi eke ererimbot ekemede ndinọ. Sededi emi okodude ke esit Balaam ke ini emi, enye ama ọdiñọ ete ke imọ ikemeke ndisabare enye emi Abasi mikasabakere mme ndisuñi owo eke Abasi mikosuñike.

Mme Nworo-Nda Ntiñ-nnim-ikọ

Ke mme ikọ emi Abasi ekesinde Balaam ke inua nditiñ, ndusuk nworo-nda ntiñ-nnim-ikọ edu emi nnyin inyenede ke Nwed Abasi. Enyin esie ama atara, enye onyuñ okut ini iso.

Mme uyo Abasi emi ekedi ntiñ-nnim-ikọ ke abaña me erikan eke nditọ Israel edikande mme asua mmọ ye edida Isoñ Eñwoñọ nnyene. Mmọ nko etiñ ebaña mme akwa erikan emi Ọbọñ Jesus Christ, kpa Lion esien Judah, edikande idiok-nkpọ, mkpa ye Satan. Ererimbot emekut ediwak mme ntiñ-nnim-ikọ emi nte eworo de esu, ndien imonim ite nnyin ke isaña ikpere ini emi kpukpru mmọ edisude. Abasi edi Andikara nko odudu Esie okoñ akan kpukpru, enye ama anam imum unam etiñ ikọ nte owo, ndisua nnọ otut-utọñ okut-nkukut; ndien Abasi ekeme, nko ke ifet enye emi ama anam ndodobi nkpok-inua etiñ itoro Andikpon-nkan ye eke ndimek ikot Esie. "Koro ifuresit owo otorode fi" (Psalm 76:10).

"Sese, edi mbio emi editiede ikpoñ ke idem mmọ: idinyuñ ibatke mmọ isin ke otu me idut." Ke isua ikie ke itie 35 ema ekebe, mmọ ke esuk eworo eda nte idut. Owo ndomo kiet ikpekemeke nditiñ oro nnim. Obio ndomo kiet mme idut iduhe eke akananam etimde ekpeme ke utọ usuñ emi. Abasi ikpoñ ekeme ndida nkut, ndiñọ nnyuñ nnam.

Ata Okposon Ubok

"Ke ekem ini mmọ emen se Abasi anamde, etiñ enọ Jacob ye Israel!" Mme idut emi ekekande ekuk ema ediñọ ete ke Abasi ama odu ye Israel. Ke ini mbon uyep ekekade ke Jericho, Rahab ama odohọ ete "Mmofiok nte Jehovah ada isọn emi ọnọ mbufo . . . nsia onyuñ oyomo kpukpru mme andiduñ isọn emi abaña mbufo. Koro nnyin imokop nte Jehovah akanamde mmọñ ididuot inyañ asat ke iso mbufo, ke ini mbufo eketode ke Egypt ewoñ; ye nte mbufo ekenyuñ enamde ndidem mme Amorite mbiba, emi ekedude ke edem Jordan oko, Sihon ye Og, emi mbufo ekesobode. Ndien ke adañemi nnyin ikekopde, nsia eyemere nnyin, mbufo inyuñ iyakke aba owo ndomo kiet enyene uko: koro edi Jehovah Abasi mbufo edi Abasi ke ata enyoñ, ye ke isọn ke idak."

Mme idut ye mme obio emi ekekanarede nditọ Israel ekuk ema efiok ete ke ikedighe utibe nda-usuñ Moses mme odudu ye ukeme mmọ emi enye akadade usuñ, okonọ mmọ utọ utibe erikan emi; edi ke ama odu Abasi ke Heaven, emi okposon ubok esie akanyanarede ke ntak idut eke Enye ke ofuri esit ama akaduak ndidiñ. Nduok owo ekeme ndisin Abasi ke ndek, esuñ enyuñ etiñ oburobut ikọ edian enyiñ Esie, edi kam yak Abasi emenere ubok Esie ke odudu ndien mmọ eyenyek, esit mmọ onyuñ eyemere ke ndik.

Mme Ntiñ-nnim ikọ Ke Abaña Jesus

"Ndien (Ọbọñ emi otode) ke Jacob eyeda uboñ." Ata utibe ntiñ-nnim-ikọ ke abaña Jesus! Nko ke nnyin ikerede ini emi eketiñde enye, idem akpa nnyin ke utọ utibe eriyarare emi Abasi okonode Balaam.

Ekeda kpukpru se idude ke ikpa-enyoñ nte nkpọ uboñ. Ke ntre, ke ini enye eketiñde abaña Ntantafiñ eke asañade oto ke Jacob ye Esañ nte adahade ke enyoñ ke Israel, enye eketiñ onim ete ke Edidem eyedi eke edikarade ke ofuri isọn. Ke ata ediwak isua ema ekebe ntantafiñ ama ada mme ofiok-nkpọ owo usuñ aka ebiet emi Edidem oro akamanade.

Angel ama asian Mary ete "Enye eyekpon, eyenyuñ ekere Eyen Andikoñ-nkan; Jehovah Abasi eyenyuñ ọnọ Enye ebekpo ete Esie David: Enye eyeda uboñ ufok Jacob ke nsinsi; uboñ Esie idinyuñ ikureke" (Luke 1:32, 33). Eketiñ emi enọ Mary ke ediwak isua ema ekebe toñ nte Balaam ekenyene nkukut esie. Ntiñ-nnim-ikọ Balaam, emi okotoñ ntem: "Nkut enye, edi idighe ke emi: nsese enye; edi ikpereke", owut ete nkpọ-ntibe emi enye ye angel ekesiande edida itie ke ini iso. Ini eyedi eke kpukpru mme mmọ emi ekedude uwem edidade ke iso Esañ oro enyuñ ekop nte etiñde akpatre ubierikpe mmọ. "Kpukpru nnyin iyeda ke iso itie-ikpe Abasi" (Nwed Mbon Rome 14:10); "Nkut mme

akpa-mkpa, ikpọ ye ñkpri, nte edade ke iso ebekpo; . . . ekpe ikpe mme akpa-mkpa, nte ekemde ye se mmọ ekenamde" (Eriyarare 20:12).

Idiok Item

Ke ini Abasi ke utibe usuñ ama akayarade ọnọ Balaam mme edidiọñ emi editienede Israel ke ukperedem ini, anditiñ ntiñ-nnim-ikọ oro ama ọwọñọre ada, ndien nte ekedide, ke ido nsahi, ayarade ọnọ mbon Midian nte mmọ edikpekde Israel esin ke idiok-ñkpọ. Idighe ñkpọ mkpa idem nte Peter ye Jude ewọrọde eda etiñ ańwa-ańwa esua enọ enyuñ eda enye, ye mmọ efen eke ebietde enye, edomo ye idiok enyoñ eke misioñoke edim, eke ofum onyuñ ọkpọride ada ebe; aya inyañ ibom, esioño esuene mmọ nte mmọñ osioñode efot; nyoñ ntantafiọñ, eke enimde ata obubit ekim enọ mmọ ke nsinsi (2 Peter 2:15-17; Jude 12, 13).

Jude ñko etiñ ete "mme angel ñko, emi mikomumke itie odudu eke mmọ ikama, edi ekpọñde ebiet iduñ idem mmọ, Ke Enye ama onyuñ ọkọbi ke nsinsi ebuka onim ke ekim, ete, etie ebet ikpe Akwa Usen oro." Ema ewot Balaam ke ekọñ ye mme asua Jehovah.

Ntọt

Etọt nnyin ete ke ukperedem ini ndiok eyo eyedu eke mme owo edimade mbre ikan Abasi.

Ke Balaam akadade ese ini iso okonyuñ okutde nte Abasi edidiọñde Israel ke ukperedem ini, enye aduak nte utit esie ekpetiede nte eke mmọ. Edi imokut ite enye ikenyimeke ndikpe ekọm-urua man ọbọ edidiọñ oro. Ediwak owo ebiet Balaam: mmọ ekpema ndinyene edidiọñ Abasi ke utit mmọ nnyuñ ndi se edade esin ke Heaven ke mmọ ekpọñde ererimbot emi. Edi mmọ eyom ererimbot ke ini mmọ edude uwem. Mmọ imaha ndiwa mme inemesit ye ukpono ererimbot emi man mmọ ekpenyene nsinsi uwem ke utit.

Moses edi eti uwut-ñkpọ owo emi onyimedede ndisana kpukpru nyak nnyuñ ntiene Jesus. Moses ama esin ebekpo, ukpono, inyene, ye etop emek ndibiom ukut ye ikọt Abasi, akan ndidia inemesit idiok-ñkpọ ke ekpri ini (Mme Hebrew 11:25).

MME MBUME

1. Ke mmọñ ke Balak akada Balaam aka man ọkọfọp mme uwa?
2. Ke itie uwa ifań ke Balak akanam uwa?
3. Nso ekedi idiok-ñkpọ Balaam?
4. Ewe obio ekekpek Israel ekesin ke idiok-ñkpọ oto ke idiok item Balaam?
5. Nso ke ntantafiọñ oro asańade oto ke Jacob ada ọnọ?
6. Ọwọrọ didie esań ndidaha ke enyoñ ke Israel?
7. Siak ndusuk ntiñ-nnim-ikọ emi Balaam eketińde eke ewọrọde esu.
8. Siak ndusuk mme ntiñ-nnim-ikọ eke nnyin inimde ke akpanikọ ite ke ekpere ndisu.